

Ang Pagluag ug ang Pagbugkos – Ang Yawi Sa Gingharian Sa Dios

Mateo 18:18

“Sa pagkatinuod, magaingon ako kaninyo, nga bisan unsay inyong pagabugkoson dinhi sa yuta, didto sa langit pagailhon kini nga binugkos; ug bisan unsay inyong pagaluagan dinhi sa yuta, didto sa langit pagailhon kini nga linuagan”.

Si Jesus, sa dihang milugsong gikan sa bukid, Siya miingon, “Sumala sa sulti sa mga tawo, kinsa man kono ang Anak sa Tawo?” (Mateo 16:13-20) Ang mga tinun-an miingon: Ang uban miingon nga Ikaw mao si Elias: ang uban miingon Ikaw usa sa mga profeta, ug ang uban ikaw mao kini, mao kana.” Siya miingon, “Apan kamo, unsa may inyong sulti?” Si Pedro miingon, “Ikaw mao ang Cristo, ang Anak sa Dios nga buhi.”

Tan-awa. “Dalaygon ikaw, Simon Barjona! (Ang anak ni Jonas) Kay wala kini ipadayag kanimog tawo, kondili gipadayag kini kanimo sa akong Amahan nga anaa sa langit. Wala ka gayud miadto sa seminaryo; wala gayud ikaw nag-eskwela; wala gayud ikaw nagkuha ug kurso sa teyolohiya, kondili ang Akong Amahan ang nagpadayag niini kanimo. **Ug sa ibabaw niining bato (ang pinadayag ni Jesu-Cristo)...** Ug sa ibabaw niining bato pagatukoron ko ang Akong iglesia, ug ang mga gahum sa kamatayon dili gayud makabuntog kaniya. ug bisan unsay imong pagabugkoson dinhi sa yuta, didto sa langit pagailhon kini nga binugkos; ug bisan unsay imong pagaluagan dinhi sa yuta, didto sa langit pagailhon kini nga linuagan.” (Mateo 16:18-19). [1]

Ang Iglesia Catolica miingon nga siya mao ang bato, ang literal nga tawo, si Simon Pedro. Kung mao kana, siya mi-backslid pipila ka mga adlaw sa ulahi (Mateo 26:69-75). Dili mao kana. [2] Unya ang Protestante miingon nga diha sa Iyang kaugalingon gitukod Niya ang iglesia, diha kang Jesu-Cristo, ang Bato. Pulos sila nasayup. [3] Dili ingon nga magpalahi, apan Siya nagtukod niini diha sa pinadayag ni Pedro kung Kinsa Siya. [4] **Mao kana ang espirituhanon nga pinadayag mahitungod Kaniya kung Kinsa Siya, nga Siya mao ang Cristo. Ang Iglesia natukod diha sa pagsugid sa pinadayag gikan sa Pulong sa Dios – ug Siya mao ang Pulong sa Dios. Kini gitukod diha sa espirituhanon, gipadayag nga Kamatuoran.**

Ug si Jesus miingon: “Ug sultihan ko ikaw, nga ikaw mao si Pedro, Ug hatagan ko ikaw sa mga yawi sa gingharian sa langit, ug bisan unsay imong... **Tungod kay ikaw nakabaton ug espirituhanon nga agianan taliwala dinhi ug sa langit...** Ang unod ug dugo wala magpadayag niini kanimo; **apan ikaw nag-agad sa Dios, ug ang Dios nagpadayag niini kanimo;** ug sa tinaw gayud kaayo ang Mga Kasulatan nagkadugtong. Ug sultihan ko ikaw, nga ikaw mao si Pedro. Ug hatagan ko ikaw sa mga yawi sa gingharian sa langit, ug bisan unsay imong pagabugkoson dinhi sa yuta, didto sa langit pagailhon kini nga binugkos; ug bisan unsay imong pagaluagan

dinhi sa yuta, didto sa langit pagailhon kini nga linuagan.” [1] Mao kana ang langitnong pina-dayag sa Pulong nga nahimong unod. Mao kana ang unod nianang adlaw pinaagi sa Anak, ang Pamanhonon, mao kini ang unod karong panahona pinaagi sa Pangasaw-onon. [5] “Bisan unsay imong pagaluagan dinhi sa yuta, didto sa langit pagailhon kini nga linuagan. Ug hatagan ko ikaw sa mga yawi sa gingharian sa langit.” **Unsa ang Gingharian sa langit?** Ang Espiritu Santo. “Ang Gingharian sa Dios anaa ra sa inyong taliwala” (**Lucas 17:20-21**).

Karon, Siya miingon, “Adunay mga nagabarug karon dinhi nga dili pa una makatilawg kamatayon hangtud nga makita na nila ang gingharian sa Dios nga mahiabut nga may gahum” (**Mateo 16:28; Marcus 9:1**). Pipila lamang ka mga adlaw sa ulahi hangtud sa Pentecostes. Nakita ninyo?

Karon, tan-awa ang sayup nga ilang nahimo, mogula ug mopasaylo ug mga sala ug uban pa sama niana, unsa ka sayup. Atong tan-awon. Ilang gibutang ang mga yawi diha kaniya. Karon, Iyang gipaatabang ang Iyang nawong paingon sa Jerusalem. Si Jesus gilansang, namatay, ug nabanhaw sa ikatulo ka adlaw, ania dinhi sa yuta sa kap-atan ka mga adlaw kauban sa mga tawo, mikayab ngadto sa langit, misulti kanila sa pagpaabut hangtud ilang makita ang Gingharian sa Dios nga moabut diha kanila; niining panahona ang Amahan **magpahiuli sa Gingharian diha sa espirituhanon nga porma ngadto kanila**. Sila mitungas ngadto sa syudad sa Jerusalem ug nagpaabut didto sa napulo ka adlaw ug gabii (*Lucas 24:48-53*), ug sa kalit gayud, ang bautismo sa Espiritu Santo (ang Gingharian sa Dios) miabut uban sa gahum diha kanila (*Mga Buhat 1:8*). Tinuod ba kana?

Karon, tan-awa. Si Pedro walay grado, dili gani makasulat sa iyang kaugalingong ngalan mitindog sa ibabaw sa gamayng entablado kon ubang butang ug misugod sa pagwali (*Mga Buhat 2:14-36; Joel 2:28-32*). [6]

Karon, atong makaplagan, nga ang husto nga paagi, ug ang tinuod nga paagi, ug ang mao lamang nga paagi nga gitudlo gayud... **Ug si Pedro nakabaton sa mga yawi ug siya nakabaton ug pagbulot-an**, kondili si Jesus namakak. Ug dili gayud kini mahimo alang Kaniya nga mamakak: “*duha ka mga butang nga walay pagkausab, nga tungod niini dili mahimo nga mamakak ang Dios*” (*Hebreohanon 6:18*). Siya nakabaton sa mga yawi. Si Jesus naghatag kaniya sa mga yawi. Sa dihang Siya nabanhaw sa ikatulo ka adlaw sama niana, Siya nakabaton sa mga yawi sa kamatayon ug sa hades (*Pinadayag 1:18*), apan dili ang mga yawi ngadto sa Gingharian. Si Pedro nakabaton kanila. Sa tukma gayud.

Ug karon matngoni, Pedro, ikaw nakabaton sa mga yawi nga anaa sa imong kilid, ug ikaw nagawali. Ang pangutana miabut, sa nahaunang mga nakabig sa bag-ong iglesia, ang nahaunang Cristohanong Iglesia...

“*Mga igsoon, unsay among pagabuhaton aron maluwas?*”

Karon, Catolico, karon Baptist, Methodist, Presbyterian, anaa ba kamo sa bag-ong doktri

na sa iglesia? Susiha kung kamo anaa. [1]

Oh, pag-amping, Pedro; ikaw nakabaton sa mga yawi karon. Ang nahaunang mensahe sa Maayong Balita...

Si Jesus, pipila ka mga adlaw sa wala pa kana. Sa wala pa Siya gilansang sa krus, miingon, “Pedro, ihatag Ko kanimo ang mga yawi. Bisan unsay imong pagabugkoson, Akong pagabugkoson; **bisan unsay imong pagaluagan, Akong pagaluagan. Karon, bisan unsay imong buhaton, Akong pagailhon kini sa langit.**” Tungod kay Siya mihatag kaniya niining pagbulot-an. Kung Siya usa ka Tawo nga nagabarug sa Iyang Pulong, Iyang pagatumanon ang Iyang Pulong. [6]

Siya naghatag kanato sa mga yawi nga miingon “Bisan unsay inyong pagabugkoson sa yuta... Mao kana ang harianong kaliwat ni Abraham ingon nga saad, **ang Espiritu Santo ania sa sulod kanato karon, uban sa mga yawi ngadto sa mga sakit.** Iyang gibontog ang mga sakit. Ang mga sakit dili makabarug sa Iyang presensya, ug Siya miingon nga Iyang ihatag kanato ang mga yawi aron sa pagbuhat sa mao ra gihapon nga butang – ang pagbontog sa mga sakit. “Bisan unsay inyong pagabugkoson sa yuta, Akong pagabugkoson sa langit.” [7]

Ug dinhi si Pedro nagabarug dinhi; ang Espiritu Santo miabut sa Iyang nahaunang higayon, ug si Pedro gipangutana, “Unsay among pagabuhaton aron maluwas?”

Matngoni, ikaw nagakupot sa yawi ngadto sa Gingharian sa nahaunang higayon. Si Jesus nagsulti kanimo pipila ka mga adlaw ang milabay (napulo ka adlaw ang milabay), miingon, “Panglakaw ug bautismohi ang katawhan sa Ngalan sa Amahan, Anak, ug Espiritu Santo.” Unsay imong pagabuhaton? Apan Siya nagahatag kanimo sa mga yawi **tungod kay ikaw adunay espirituhanong pinadayag.** “Kay ang Akong iglesia pagatukoron, ug ang mga ganghaan sa hades dili makabontog niini.”

Ug kamo nagbaton sa inyong mga kredo ug mga dogma, ug bisan unsay buot ninyong buhaton, apan kini mapakyas gayud (Ug kini nahitabo.), **apan ang gahum sa buhi nga Dios magapadayon ngadto sa walay katapusan.** Sama sa kidlap sa radium, siya magapadayon nga walay katapusan.

Pedro, ikaw nakabaton sa mga yawi. Bisan unsay imong pagabuhaton dinhi, ang Dios kinahanglan moila niini sa langit. Tinuod ba kana? “Unsay imong ikasulti, Pedro? Unsay among buhaton aron maluwas?”

Si Pedro miingon... Ayawg pag-adto ug moingon “Himaya ka Maria.” Walay usa ka butang sama niana, paghimo ug novena. Ayawg pag-adto ug molamano sa mga kamot ug ibutang ang imong ngalan sa libro sa simbahan mowisikwisik ug tubig kanimo. Walay usa ka butang sama niana, mao kana ang dogma sa Catolico nga giyukboan sa iglesia nga Protestante. Siya wala moingon “Tanan kamo moadto... Ug karon, si Jesus nagsulti kanako pipila ka adlaw ang milabay, tanan kamo moadto ug magpabautismo sa Ngalan sa Amahan, Anak, ug sa Espiritu

Santo.” **Walay usa ka tawo nga adunay espirituhanong pinadayag nga mosulti niana.** Siya miingon, “*Paghinulsol kamo, ug pabautismo kamo ang matag-usa kaninyo sa ngalan ni Jesu-Cristo tungod sa kapasayloan sa inyong mga sala; ug madawat ninyo ang gasa nga Espiritu Santo. Kay ang saad alang kaninyo ug sa inyong mga anak ug sa tanan nga atua sa halayo, sa matag-usa nga pagatawgon sa Ginoo nga atong Dios.*” (Buhat 2:37-41). Mao kana. Ang mga yawi nga gigamit dinhi sama sa paggamit ni Cristo sa langit. Unya ang yawi gipasulod, ug kini misira; **kini misira sa langit.** [6]

Ang mga yawi mi“klik” dinhi, ug kini mi“klik” didto. Iyang gituman ang iyang Pulong. Busa kini dili makapalibog kanimo karon, mao ba kini? Sa pagkatinuod, Mateo 28:19 mao ang mga titulo, dili mga Ngalan. [1] Ug unsa ang mabuhat sa yawi? **Kini moabli sa usa ka butang, ang tinago.** [8]

Si Pedro adunay espirituhanon, gipadayag nga kamatuoran. Mao kana ang hinungdan siya nahibalo sa kalainan taliwala sa Amahan, Anak, ug Espiritu Santo, ug sa Ngalan Ni Ginoong Jesu-Cristo. **Siya adunay espirituhanon nga pinadayag.** Mao kana ang inyong nasabtan karong gabii, diin ang Espiritu Santo nagaabli niini kanato. [6]

Ang Biblia miingon ngadto kang Pedro ug sa ubang mga apostoles, “Panglakaw kamo sa tibook kalibutan; “Kinsa ganing mga sala ang inyong pasayloon, kini pagapasayloon; kinsa ganing mga sala ang inyong pahawiran, kini pagahawiran.” Akong masulti kini aron ang uban dili makasabut kung unsay buot Kong ipasabut; si Jesus miingon ngadto sa mga apostoles, “Kinsa ganing mga sala ang inyong pasayloon, kini pagapasayloon; kinsa ganing mga sala ang inyong pahawiran, kini pagahawiran.” (**Juan 20:23**). Mao kana ang gisulti ni Jesus. Tan-awa ang iglesia Catolica namugos niana. [9]

Ilang gikuha kana ug gihatag kini ngadto sa ilang mga pari, apan kana kalibutanon. **Tan-awa. Mao kana ang espirituhanon, gipadayag nga Pulong nga nagbuhat niini.** Mao kana ang hinungdan Siya nagsulti kanila sa paglakaw ug magbautismo sa Ngalan sa Amahan, Anak, ug Espiritu Santo. **Siya nahibalo nga sila nasayud kung Kinsa Siya.** [5]

Apan atong pangitaon giunsa nila sa pagbuhat niini. **Tungod niana sa dihang atong makaplagaan giunsa nila sa pagbuhat niini, nan kinahanglan atong buhaton kini sa mao ra nga paagi.** [9]

Karon, si Pedro miingon, “Paghinulsol kamo, ug pabautismo kamo ang matag-usa kaninyo sa ngalan ni Jesu-Cristo tungod sa kapasayloan sa inyong mga sala; ug madawat ninyo ang gasa nga Espiritu Santo.” Tinuod ba kana? Ug mao kana ang hinungdan ang mga yawi misira sa langit ngadto sa bisan kinsang laing ngalan, sa bisan unsang laing paagi, bisan unsang laing porma... kini misira sa yuta, ug kini misira sa langit; kondili si Jesus wala nagtuman sa Iyang Pulong ngadto kang Pedro. Ug sa matag dapit diha sa Biblia sila nagbautismo human niana, sila gibautismo-han sa Ngalan ni Jesu-Cristo (*Mga Buhat 8:16; 10:48*). Ug kadtong nabautismohan sa

una – sama sa mga tinun-an ni Juan (**Mga Buhat 19:1-6**) – kinahanglan moadto ug magpabautismo pag-usab sa Ngalan ni Jesu-Cristo aron makabaton sa Espiritu Santo. [10]
Mao kana ang gikatagana nga paagi sa pagpasaylo sa mga sala. **Ang Pulong mopasaylo sa mga sala tungod kay Kini mao ang Dios. Ug kining gipili nang daan nga gasa gikahatag ngadto sa napuno sa Espiritu nga lawas nga Pulong.** [11]

Nakita ninyo, **kinahanglan nga kini nagagikan sa espirituhanon nga pinadayag.** ang unod ug dugo wala gayud misulti kang Abel nga si Cain nasayup. Apan mao kana ang pinadayag nga nabatongan ni Abel. Mao kana ang dugo (Gen. 4:3-5). Mao kana ang dugo, dili prutas, nga mikuha kanato gikan sa tanaman sa Eden. **Ug si Abel pinaagi sa espirituhanon nga pinadayag gipadayagan sa Dios nga mao kana ang dugo.** *“Ug siya, pinaagi sa pagtoo,” Mga Hebreohanon 11:4 miingon, siya naghalad sa Dios ug usa ka halad nga labing maayo kay sa kang Cain.*” Nga ang Dios midawat sa iyang halad. Mao kana. **Iyang gihalad kini pinaagi sa pagtoo, pinaagi sa pinadayag.** [1]

Reference:

- [1] “Restoration Of The Bride Tree” (62-0422), pg. 75-76, 14-18, 20-22
- [2] “Christ Is The Mystery Of God Revealed” (63-0728), pg. 86
- [3] “The Masterpiece”, par. 136, 158
- [4] “Trying To Do God A Service” (65-0718M), par. 152
- [5] “Jehovah Jireh 1” (64-0402), par. E-61 – E-62
- [6] “End Time Evangelism” (62-0603), par. 222
- [7] “Be Not Afraid” (62-0620), par. E-66
- [8] “Laodicean Church Age”, Church Age Book pg. 363, 379-380

Spiritual Building-Stone No. 183 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

Spiritual Building-Stone No. 183 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]